

Ho Tsoa Maroleng ho Ea Linaleling



SABATHA MANTSIBOEA

Bakeng sa Boithuto ba Beke Ena Bala:

Daniele 12; Ba-Roma 8:34; Luka 10:20; Ba-Roma 8:18; Ba-Heb. 2:14, 15; Johanne 14:29; Tšen. 11:3.

Teman'a Khopolo:

“Empa ba hlalefileng ba tla khanya joalo ka khanya ea leholimo, ba khannetseng ba bangata ho lokeng ba khanye joalo ka linaleli ka mehla le mehla, ka ho sa eeng kae”(Daniele 12:3).

Buka ea Daniele e qala ka ha Nebukadnesare a hlasela Judea ‘me a nka batšoaruoa ho ea Babilona; buka ea Daniele e qetella, ka ho fapana, ka Mikaele ha a ema ho lopolla sechaba sa Molimo ho Babilona ea mehleng ea bofelo. Ke hore, joalo kaha ho bontšitsoe hlohle kahare ho buka ea Daniele, qetellong, Molimo o sebetsa tsohle molemong oa sechaba sa Hae. Joalo kaha re bone, Daniele le balekane ba hae ba lutse ba tšepahalletse Molimo ‘me ba bontša bohlahe bo sa lekangoeng har’a liteko le liqholotso tsa kholehong. Ka mokhoa o tšoanang, batho ba Molimo ba mehleng ea bofelo, ha ba tobane le lithoriso, ba tla lula ba tšepahetse, haholo ka nako ea “matsatsi a matsoalo. . . , ao a joalo a e-song ho be teng e sa le lichaba li hlaha, ho tla fihla nakong eo” (Dan. 12:1). Joalo ka Daniele le metsoalle ea hae Babilona, ba tla bonahatsa bohlahe le kutloisiso. Ha ba na ba le boiphihlelo ba bohlahe e le bokhabane ba semelo feela empa ba tla be ba itetse, ka lebaka la bohlahe boo, ho isa ba bangata ho lokeng. Ba bang ba tla shoa kapa ba bolaoe, ka mokhoa o joalo, ba khutlele leroleng, empa ba tla tsoetsoa ho ea bosafeleng. Joalo kaha temana ea Bibe e bolela, “Ba bangata ho ba robetseng leroleng la lefatše ba tla tsoha, ba bang ba tsohele bophelo bo sa feleng, ba bang ba tsohele lihlong le sekhobo se sa feleng” (Dan. 12:2).

**Ihute thuto ea beke ena ho lokisetsa Sabatha sa la 28 Tlhakubele.*

Mikaele, Khosana ea Rona

Bala Daniele 12:1. Ke mang ea fetolang tsela ea nalane nakong ea bofelo? Ba-Roma 8:34 le Ba-Heberu 7:25 li re thusa joang ho utloisisa seo temana ee e se bolelang?

Khaolo e 'ngoe le e 'ngoe ea Daniele ho fihlela mona e ne e qala ka ho bolela lebitso la 'musi oa sechaba sa bahedene. Daniele 12 ka mokhoa o tsoanang le eona e qala ka 'musi, empa ka ho fapana le likhaolo tse ling kaofela 'musi ke khosana e halalelang a emang ho lopolla sechaba sa Molimo liatleng tsa lira tsa bona.

Joalo kaha re bone lehlasele boithutong ba rona ba Daniele 10, Mikaele ke eena mohalaleli ea hlahang ho Daniele a a le nokeng ea Hiddekele. Moo o hlaha e le ea emetseng sechaba sa Molimo. O hlaha 'nqá e 'ngoe ho Daniele e le Mor'a Motho (Daniele 7), Morena oa makhotla (Daniele 8), Motlotsuo Morena (Daniele 9). Kahona Mikaele—eo lebitso la hae le bolelang “ke mang ea kang Molimo?”—e lokela e be ha se e mong ha e se Jesu ka sebele sa Hae. Ho bohlokoa ho tsoaea nako ea ho kena lipakeng ha Mikaele. Ho ea ka Daniele 12:1, ho etsahala “mehlang eo” (Dan. 12:1). Poleloana ena e bua ka nako e boletsoeng ho Daniele 11:40–45. Ke nako e tlohang ho oeng ha bopapa ka 1798 ho fihlela nako ea bofelo (Dan. 12:2).

Leetsi “ema” le sebelisitsoeng hoa Daniele 12 le ka bolela mekhahlelo e 'meli ea mosebetsi oa Mikaele ho hlalosa ketso ena ea Hae. Oa pele, leetsi “ema” le tlisa kelellong ho phahama ha marena ho hlola le ho busa. Hape leetsi leo le fana ka moelelo oa sesole. Le bontša hore Mikaele o nka khato e le moetapele oa sesole ea sireletsang sechaba sa Hae 'me a se etella pele ka tsela e khethehileng nakong ea mehato ea ho qetela ea ntoa e kholo.

Oa bobeli, leetsi “ema” le boetse le supa boemo ba kahlolo. Mikaela a “ema” ho ba 'muelli lekhohleng la leholimo. Joalo ka Mor'a Motho, o tla kapele ho Moholo oa Matsatsi ho ema sebakeng sa sechaba sa Molimo nakong ea kahlolo ea patlisiso (Dan. 7:9–14). Ka mokhoa o joalo ho ema kapa ho phahama ha Mikaele ho supa bosebeletsi ba Hae ba sesole le boahloli. Ka mantsoe a mang, o neuo e matla a ho hlola lira tsa Molimo le matla a ho ema sebakeng sa sechaba sa Molimo lekhohleng la leholimo.

Nahana ka se boleloang ke hore Mikaele o eme sebakeng sa rona, le hona joale. Ke tšepo e fe eo taba ee e lokelang ho u fa eona, moetsalibe?

Ba Ngoliloeng Bukeng

Daniele 12:1 e bua ka ba :ba ngoliloeng bukeng.” E bolela’ng?

Nako ea bokena-lipakeng ha Mikaele e boetse e bitsoa nako ea matsoalo ao a joalo a e-song ho be teng. Taba ena e bapa le nakong eo Moea oa Molimo o tla tlosoa mofuteng oa botho o hlokang kutlo. Ke moo likotlo tsa ho qetela tse supileng, ketso ea khalefo ea Molimo holim’a lichaba, e tlang ho tšolleloa holim’a Babilona ea mehleng ea bofelo (Tšenolo 16; Tšen. 18:20-24) ‘me matla a lefifi a tla tlamolloa holim’a lefatše. Ellen G. White o ngola ka nako ena eo “Satane a tlang ho bolisa baahi ba lefatše lena ho ea matšoenyehong a le mang a ho qetela. Ha manyeloi a Molimo a lesa ho tšoara meea e bohale ea litakatso tsa batho, mefuta eohle ea mahlomola e tla lokolloha. Lefatše lohle le tla kena tšenyehong e mpe ho feta e kileng ea tlela Jerusalema ea khale.”—*The Great Controversy*, leq. 614.

Empa sechaba sa Molimo se tla lokolloa nakong ena e thata hobane, kahlolong ea patlisiso e etsoang lekhloteng la leholimo, ba loanetsoe ke Jesu, moprista e moholo oa leholimo, ‘me mabitso a bona a ngoliloe bukeng.

Hore re tle re utloisise moelelo oa buka ena, re lokela ho hopola hore Bibe e bua ka mefuta e ‘meli ea libuka. E ‘ngoe e ngotse mabitso a bao e leng ba Morena ‘me ka nako tse ling e bitsoa buka ea bophelo (Exoda 32:32, Luka 10:20, Lipes. 69:28, Ba-Fil. 4:3, Tšen. 17:8). Ho tlatselisa Buka ea Bophelo, Mangolo a bua ka libuka tse tšetseng litlaleho tsa liketso tsa batho (Lipes. 56:8, Mal. 3:16, Esa. 65:6). Tsena ke tsona libuka tse sebelisoang lekhloteng la leholimo ho ahlola bonehelo ba e mong le e mong ho Morena. Tsena ke litlaleho tsa leholimo, “pokello ea lingoliloeng,” tse phuthetseng mabitso le liketso tsa motho e mong le e mong. Batho ba bang ba tšosoa ke taba ea hore mabitso a bona, haholo liketso tsa bona, li ngotsoe leholimong. Empa hang hoba re neelane ka maphelo a rona ho Kreste, mabitso a rona a ngoloa bukeng ea bophelo, ‘me liketso tsa rona tse mpe lia hlakoloa kahlolong. Litlaleho tse tsa leholimo li fana ka bopaki ba lekhlotla ho lihloiloeng tsohle hore re ba Jesu ‘me kahona re na le tokelo ea ho sireletsoa nakong ea mahlomola.

Ke hobaneng ha e le ho loka ha Kreste feela, hoo re ho neoang, e le eona feela tšepo ea ho fumana re “ngoliloe bukeng”? Tlo le karabo ea hau sehlopheng ka Sabatha.

Tsoho

Bala Daniele 12:2, 3. O bua ka ketsahalo e fe moo, ‘me hobaneng, haholo re ipapisitse le seo re se utloisisang ka lefum na ketsahalo ee e bohlokoa haholo ho rona?

Daniel makes probably the most explicit reference in the Old Testament to the coming resurrection. And as we reflect on this passage, we can learn some very important truths. First, as the metaphor of “sleep” indicates, no immortal soul inhabits human bodies. Humans are an indivisible unity of body, mind, and spirit. In death, the person ceases to exist and remains unconscious until the resurrection. Second, our text points to the coming resurrection as a reversal of what happens as a consequence of sin. Indeed, the expression translated as “dust of the earth” in the original language of Daniel 12:2 reads “earth of dust.” This unusual word sequence points back to Genesis 3:19, the only other biblical passage where the word “earth” precedes the word “dust.” This implies that the death pronouncement made at Adam’s fall will be reversed and death will no longer hold sway. As Paul says: “death is swallowed up in victory” (*1 Cor. 15:54*).

Bala Ba-Roma 8:18 le Ba-Heberu 2:14, 15. Ha rea lokela ho tšaba lefu ka mabaka a fe?

Lefu lea senya ‘me le timetsa ntho e ‘ngoe le e ‘ngoe mona. Empa re neoa tšepiso ea hore lefu ha se pheletso ho balumeli ba tšepahalang. Lefu ke sera se hlotsoeng. Ha Kreste a khaola maqhama a lefu ‘me a tsoha lebitleng, o hlathile lefu leqeba le bolaeang. Joalre re se re ka talima mose ho boteng ba nakoana ba lebitla ho boteng ba mapomelo ba bophelo boo re bo fumanang ho Molimo ka Kreste. Ka lebaka la hore Mikaele oa “ema” (sheba Dan. 12:1), bao e leng ba hae le bona ba tla ema. Ba tla tsoa “lefatšeng la lerole” ho phatsima joalo ka linaleli ka mehla le mehla.

Har’a mahloko le maima a bophelo, re ka fumana tšepo le khotatso tšepisong ea tsoho e tlang ho ba qetellong joang? Hobaneng, ka tsela e tebileng, ha lintho tse ling tsohle li se na lebaka?

Buka e Koahetsoeng

Bala Daniele 12:4 le Johanne 14:29. Ke hobaneng ha buka ea Daniele e lokela ho koaheloa ho fihlela mehleng ea bofelo?

Qetellong ea karolo ea mantlha ea ho qetela ea buka (Dan. 10:1–12:4), moprofeta o fuoa taelo ea ho koahela lengolo leo ho fihlela nakong ea bofelo. Moelelong ona oo, lenyeloi le porofeta hore “‘ba bangata ba tla e bala, ‘me tsebo e tla eketseha’” (Dan. 12:4). Leha baithuti ba bang ba Daniele ba nkile mantsoe ana e le ho porofeta khatelo pele ho tsa mahlale, eo le eona e ka bang e kenelletse moeelong, moelelo o bonahala o supa hore ho matha ho uoa “koana le koana” ho bua ka ho batlisisa bukeng ea Daniele ka boeona. Efela, ha re talima morao nalaneng, re hlokomela hore Daniele e ile ea lula e le sengoliloeng se siretseng ka mengoaha-kholo. Mohlomong e tsejue le ho ithutoa libakeng tse ling, empa tse ling tsa lithuto tsa eona tsa mantlha li ne li lutse e le liphiri. Mohlala, melaetsa ea boprofeta bo amanang le ho hloekisoa ha sehalalelisiso se leholimong, kahlolo, le lebitso le mosebetsi oa lenaka le lenyane, hammoho le linako tse tsamaellanang le boprofeta bona li ne li le hole le ho hlaka. Empa ho tloha ka tlhopho bocha ea Boprostanta ho ea pele, batho ba ithutang buka ea Daniele ba ‘na ba eketseha. Leha ho le joalo, ebile feela nakong ea bofelo moo buka e ileng a qetella e butsoe ‘me seo e se phuthetseng se hlaka ka ho fetisa. Joalo kaha Ellen G. White a ngotse, “Buka ea Daniele e butsoe ho tloha ka 1798, tsebo ea boprofeta ba eona e eketsehile, ‘me ba bangata ba hasitse molaetsa o mahlonoko oa kahlolo e atametseng.”—*The Great Controversy*, leq.356. “Qetellong ea mongoaha-kholo oa leshome le borobeli le oa leshome le borobong ho ile ha tsoha thahasello e ncha boithutong ba boprofeta ba Daniele le Tšenolo libakeng tse qaqolohaneng tsa lefatše. Boithuto ba boprofeta bona bo ile ba lebisana moo batho ba bangata ba ileng ba lumela hore ho tla ha bobeli ha Krete ho atametse. Batho ba bangata ba hlalolang litaba tse thata England, Joseph Wolff Bochabela bo Hareng, Manuel Lacunza Amerika Boroa, le William Miller United States, hammoho le bongata bo bong ba baithuti ba boprofeta, ba ile ba phatlalatsa hore, ba ipapisitse le boithuto ba bona ba boprofeta ba Daniele, ho khutla ha bobeli ho atametse. Kajeno, kholiseho ena e fetohile matla a susumetsang mokhatlo oa lefatše lohle.”—*The Seventh-day Adventist Bible Commentary*, pok. 4, leq. 879.

Nahana ka molemo o moholo oo re nang le oona kajeno oa ho tseba ho talima morao nalaneng e be re bona kamoo boprofeta bona ba Daniele bo phethahetseng kateng. Taba ee e lokela ho re thusa joang ho tšepa litšepiso tsohle tsa Molimo?

Nako ea Ho Leta

Bala Daniele 12:5-13. Buka e feella joang?

Ntho e thahasellisang, ketsahalo ea ho qetela e etsahala “nokeng,” ea Hiddekele, sebakeng sa pono ea ho qetela ea mantlha ea Daniele (Dan. 10:4). Leha ho le joalo, lentsoe le sebelisitsoeng mona ha se lentsoe le tloaelehileng la se-Heberu bakeng sa “nōka,” empa lentsoe ye’or, leo hangata le bolelang “Noka ea Nile.” Sena se re hopotsa Exoda ‘me se re bontša hore joalo feela ka ha Jehova a lopolla Israele Egepeta, o tla lopolla sechaba sa hae sa nakong ea bofelo. Ho fanoa ka mekhalelo e meraro ea linako. Oa pele—“nako, le linako tse nang le lehare la nako”—e araba potso ena—“Ke neng bofelo ba taba tseo tse makatsang bo tla hlaha?”” (Dan. 12:6). Litaba tse makatsang tseo ho buuoang ka tsona ke lintho tse hlahileng ho Daniele 11, tseo e leng pharalatso ea Daniele 7 le 8. Ka ho khetholloha, nako e boletoseng ho Daniele 7:25 le hamorao ho Tšenolo 11:3, Tšenolo 12:6, 14, le Tšenolo 13:5. E boetse e lumellana le lilemo tse 1,260 tsa puso ea bopapa, tse tlohang ka selemo sa A.D.538 ho isa ho 1798A.D. ‘Me Daniele 11:32–35 e bua ka lithloriso tse tsoanang e sa bolele bolelele ba nako.

Linako tse ling tse peli, matsatsi a 1,290 le a 1,335, li araba potso ena—“taba tseo lia fella kae?”—e botsoang ke Daniele ka sebele ho Motho ea apereng lene. ‘Me bobeli li qala ka ho felisoa ha “sa kamehla” le ho behoa ha “manyala a bofeliso.” Thutong ea Daniele 8, re ile ra ithuta hore “sa kamehla” e supa bosebeletsu ba kamehla ba Krete, bo ileng ba nkeloa sebaka ke borapeli ba bohata. Ka mokhoa o joalo, nako ena ea boprofeta e lokela e qale ka A.D.508, ha Clovis, morena oa ma-For a a sokolohela tumelong e Katholike. Ketsahalo ena ea bohlokoa e ile a betla tsela ea kopano ea kereke le ‘muso e ileng ea rena boleleleng ba Mengoaha e Bohareng. Ka baka leo matsatsi a 1,290 a ile a fella ka 1798, ha mopapa a kenngoa chankaneng tlas’a bolaoli ba Napoleon ‘musisi oa Fora. ‘Me matsatsi a 1,335, nako ea ho qetela ea boprofeta e boletsoeng ho Daniele, e felletse ka 1843. Ena ke nakong ea mokhatlo oa ba-Miller le boithuto ba boprofeta ba Bibe le bo nchafetseng. E ne e le nako ea ho leta le tšepo ea ho tla ha Jesu ho haufi.

Hohle ho Daniele re bona lintho tse peli: Sechaba sa Molimo sea hlorisoa, hape sechaba sa Molimo sea loaneloa qetellong ‘me sea bolokoa. Taba ee e ka re thusa joang ho lula re tšepahile, ho sa natse liteko tse teng haufi?

Ho Ithuta Haholoanyane:

“Boprofeta bo fana ka tatellano ea liketsahalo tse tsamaeang joalo ho fihlela li fihla kahlolong. Taba ena e joalo haholo bukeng ea Daniele. Empa karolo eo ea boprofeta ba hae e amanang le matsatsi a ho qetela, Daniele o ile a laeloa ho e koahela le ho maneha tiiso ‘ho fihlela nakong ea bofelo.’ molaetsa oa kahlolo o ne o se na ho phatlalatsa ho fihlela re fihlile nakong ena, ho ipapisitsoe le phethahatso ea boprofeta. Empa nakong ea bofelo, ho riaolo moprofeta, ‘ba bangata ba tla e bala, ‘me tsebo e tla eketseha.’ Daniele 12:4. “Moapostola Pauluse o ile a eletsa kereke ho se shebele ho tla ha Krete mehleng ea hae. ‘Letstsi leo le keke la fihla,’ a araba, ‘ho eso ho tle bohlabaphieo, ‘me motho eo oa sebe a eso senoloe.’ 2 ‘Ba-Thesalonika 2:3. Ho loketse ho fete bokoenehi bo boholo, le nako e telele ea puso ea ‘motho oa sebe,’ e be ke hona re ka lebellang ho tla ha Morena oa rona. ‘Motho oa sebe,’ ea bitsoang hape ‘sephiri sa bokhopo,’ ‘mor’a tahleho,’ le ‘ea khopo,’ o emetse bopapa, boo, joalo kaha bo porofetilo, bo neng bo lokela ho busa lilemo tse 1260. Nako ena e ile ea fella ka selemo sa 1798. Ho tla ha Krete ho ne ho se na ho etsahala pele ho nako eo. Pauluse o ama ka hloko bolelele ba nako ea Bokreste ho fihlela ka selemo sa 1798. Ke ka lehlakoreng lena la nako eno moo ho ka phatlalatsang ho tla ha bobeli ha Krete.”—Ellen G. White, *The Great Controversy*, leq. 356.

Lipotso tsa Puisano:

1. Re ipheha kotsing e fe ha re beha letsatsi la liketsahalo tsa nako ea bofelo? Ho etsahala eng ka tumelo ea ba bangata ha linako tsena tse porofetiloeng li hloleha ho phethahala? Ke tšiea e fe ea boprofeta e fumanoang mantsoeng a Krete ho Johanne 14:29 a ka re thusang ho utloisisa kamoo re ka sebelisang boprofeta molemong oa rona ‘me ra phema leraba la ho etsa kapa ho lumela boprofeta ba bohata?
2. Ke eng ka nako eo re phelang ho eona hona joale, ka melaetsa e fetang hang hang, hammoho le likhatelo pele tse makatsang tsa mahlale tse seng molemong oa rona kamehla, tse etsang hore “matsatsi a matsoalo, ao a joalo a e-song ho be teng” e le ntho e ea tlo ba thata ho etsahala?
3. Buisanang ka karabo ea lona ea potso tsa ho qetela tsa Mantaha tsa hore na ke hobaneng ha evangeli, ‘nete e kholo ea ho loka ha Krete, e le eona feela tšepo ea rona ea ho “fumanoa re ngoliloe bukeng.” Kantle ho seo, re ne re ka ba le tšepo e fe?